


# OSNOVAC

List JU OŠ "Bukinje"

Br. 7

januar 2015.



# UVODNO OBRAĆANJE

**Poštovani čitaoci,**

pred vama je novo izdanje školskog lista "Osnovac", lista kojeg uređuju i kreiraju đaci i zaposlenici naše škole. Zadovoljstvo nam je prikazati sve što se realizuje u našoj školi i upoznati vas sa našim aktivnostima. Nadamo se da ćete uživati u sadržajima koje smo pripremili. Naravno, kao i do sada, prijedloge, sugestije i primjedbe, u cilju podizanja kvaliteta našeg lista, možete slati na mail adresu: [osnovnaškolabuknje@gmail.com](mailto:osnovnaškolabuknje@gmail.com)

REDAKCIJA

## DAROVI ZA NAŠE PRVAČIĆE

Šestog septembarskog dana, predstavnici organizacije "FUTUREBAG" Beč (Austrija), uručili su učenicima 1a razreda, učiteljice Emine Čehajić, 29 ruksaka i kompleta školskog pribora. Zahvaljujemo na vrijednoj donaciji, a našim prvačićima želimo sretan i uspješan početak školovanja!



Redakcija lista: Učenici i kolektiv OŠ "Bukinje"

Glavni i odgovorni urednik: Olgica Bešić, direktorica

Lektor: Marjana Stevanović, nastavnik bosanskog, hrvatskog, srpskog jezika i književnosti

Fotografije: Fotografiska sekcija, Alma Bečirović, prof. i Elvira Šišić, prof

Tehnička priprema: Elvira Šišić, prof. to i inf.

Štampa: ESKADA Tuzla

## SPORTSKI DAN...U SUSRET JESENI

24. 9. 2014. učenici naše škole, od II do IX razreda su, u pratnji razrednika i predmetnih nastavnika, realizovali sportski dan u Rekreativnom centru "Orion" Ormanica. Lijepo i sunčano vrijeme, iskorišteno je za boravak na čistom zraku, a dio dana je iskorišten za druženja mladih i bogat sportski program. Najzanimljiviji su bili fudbalski susreti u kojem su briljirali učenici VIb (Faris i Mahir Baluković kao najbolji strijelac i najuspješniji igrač), zatim VIIa i trećeplasirani VIIIa.

Nakon današnjeg boravka u prirodi, sutra se ponovo vraćamo uobičajnim školskim aktivnostima.



Sportski dan u Ormanici

## OGLEDNI ČAS NASTAVNICE MARJANE

**30.10.2014.**

Marjana Stevanović, nastavnica Bosanskog, hrvatskog, srpskog jezika i književnosti, održala je ogledno-ugledni čas u 8a razredu, na kojoj je, direktorici, pedagogici, kolegama i koleginicama, zajedno sa svojim đacima, obradila nastavnu jединicu iz tematske cjeline književnost: „Kad sunce umiva oči“ autorice Vesne Parun. Nastavni čas bio je izvrstan prikaz korelacije sa nastavnim sadržajima likovne kulture, fizike, biologije, hemije, ali i medijske kulture, dakle drugih nastavnih sadržaja koji se obrađuju u okviru nastavnog predmeta Bosanski, hrvatski, srpski jezik i književnost. Ciljevi nastavnog časa bili su: razumijevanje pjesme, uočavanje vrijednosti pouka, dok su realizovani zadaci bili: upoznati vrstu pjesme, motive, ugođaj u pjesmi, lirske slike, temu, ideju, stilske figure, vrstu rime, funkcionalni: usvajanje značenje ode, uočavanje i imenovanje lirske slike, motiva, raspoloženje u pjesmi, teme, ideje i stilskih figura; obrazovni: Čovjekova snaga izražena je kroz sposobnost da uči, da se usavršava, da napreduje...

Svesrdnu pomoć u realizaciji ovog kvalitetnog nastavnog časa, dali su članovi Dramske sekcije naše škole.



## TERENSKA NASTAVA IIIa i IIIb

15.10.2014. učenici IIIa i IIIb OŠ "Bukinje", su, u pratnji razrednica Sahre Piragić i Vesne Zekanović, te prof. Islamske vjeronauke, Ahmedine Purković, realizovali planiranu posjetu gradu Tuzli, u cilju obilaska vjerskih objekata i značajnih spomenika. Tom prilikom učenici su posjetili Gazi Turalibegovu džamiju u centru Tuzle, gdje ih je ljubazno dočekaao hafiz Merim, koji je nešto više riječi posvetio porijeklu i značaju ovog objekta. Poslije toga učenici su se uputili do pravoslavne crkve gdje su se, u ugodnom razgovoru i posjeti zadržali sa popom Trišićem. Vrijeme šetnje do katoličke crkve u Tuzli, učenici su iskoristili za nezaobilaznu posjetu spomen-obilježju Kapija, gdje su položili cvijeće. Poslije obilazaka svih objekata, krenulo se na vožnju gradskim vozićem, u kojoj su, uz vruće kifle, učenici ugodno proveli na relaciji od fontane na Trgu slobode do Panonskih jezera. Posjeta je završena u gradskom parku u kojem su učenici vidjeli spomenik bosanskom kralju Tvrtku I.



Nezaboravno druženje na terenskoj nastavi

## OGLEDNI ČAS IZ BIOLOGIJE

**30.10.2014.**

Nastavnica biologije i hemije, Suada Suljić je danas, 30. oktobra 2014. godine, održala ogledno-ugledni čas gdje je s učenicima VIb razreda obradila nastavnu jedinicu „List“ u sklopu godišnjeg programa rada. Učenici su čas obogatili izvođenjem pjesmice o listu koja je prethodno obrađena na časovima bosanskog jezika i muzičke kulture, čime je postignuta korelacija s ova dva predmeta. Takođe su tokom časa imali priliku aktivno proučavati različite listove i na taj način steći praktičan uvid u materiju. Uspješna interakcija između nastavnice i učenika je rezultirala zapaženom aktivnošću učenika i doprinijela uspješnom usvajanju gradiva.



Ogledno-ugledni čas nastavnice Suade

## POZORIŠNA PREDSTAVA ZA NAJMLAĐE

Danas, 4.11.2014. bio je vedar i veseo dan za učenike od I do V razreda OŠ "Bukinje", jer su imali priliku posjetiti Narodno pozorište u Tuzli, gdje su pogledati dječiju predstavu "Mida Trojanović". Estetski lijepo postavljena scena i izvrsna gluma cijele ekipe, posebno glumca Envera Hasića, koji je glumio lik Mide Trojanovića, bivšeg cara kojem su zbog pohlepnosti narasle magareće uši, dovodila je učenike do suza od smijeha, a dobili su i moralne pouke, te naučili šta je važno u životu. Obasjani suncem u povratku, uz kratku šetnju i dobro raspoloženje, učenici su se brzo i sigurno vratili svojim kućama.



Posjeta Narodnom pozorištu u Tuzli

## ŠKOLSKA SAOBRAĆAJNA PATROLA NA TERENU

Armin Simić i Andrea Ajdaslić, učenici V razreda JU OŠ Bukinje, su 7. novembra 2014. godine, u vremenu od 10.50-11.45h, učestvovali u Školskoj saobraćajnoj patroli, zajedno s pripadnicima Policijske stanice Zapad. Ispred robne kuće Omega u Tuzli, su zajedno sa pripadnicom PS Zapad, Nerminom zaustavljali pješake koji su prelazili pješački prelaz na crvenom svjetlu. Učesnicima u saobraćaju su dijelili edukativne letke koji ukazuju na opasnosti nepridržavanja saobraćajnih propisa i pravila.

## OGLEDNI ČAS ODJELJENSKE ZAJEDNICE

**14. 11. 2014.**

Mine i neeksplozivna ubojita sredstva (NUS-a) Koliko su prtajene ubice (mine) i nakon gotovo dvije decenije poslije završetka rata aktuelne, ubojite, „posijane“ po prelijepim predjelima naše domovine, potvrdio je i današnji čas odjeljenske zajednice u VIb, čija je razrednica nastavnica Begzada Gutić.

Učenici su svojim referatima ukazali na opasnosti od mina, prepoznavali mine, sigurna i nesigurna područja, a radom u grupama dokazali da su budući svjesni građani koji i sami mogu doprinijeti zajedničkom i uspješnom rješavanju ove teške problematike u našoj zemlji, što su bili i osnovni ciljevi ovog časa.



# ZAPAMTI, "TI BIRAŠ PUT!"

***Ako budeš dirao znakove na putu loše ćeš proći."***

***Dželaludin Rumi***

Vrijeme u kojem živimo dovelo je porodicu do progresivnih i ubrzanih promjena, pa samim tim došlo je do rušenja tradicionalne, tople porodične kohezije i dinamike, te uspostavljanja novih porodičnih odnosa a samim tim i novonastalih problema, nažalost sve češće problema zvanog DROGA.

Ugrožena svana i iznutra, porodica u savremenom svijetu doživljava radikalnu transformaciju, što je istovremeno promoviše u potencijalni faktor sa visokim stepenom rizika.

Nagomilani problemi u porodici se transformišu na djecu pa vrlo lahko postaju podložni mnogim problemima: uključivanje u loše društvo, zanemarivanje svakodnevnih obaveza, te vrlo lahko dolazi do mnogobrojnih odgojnih posljedica. Djeca kreću krivim putem te za sobom vuku i porodicu koja je vrlo često i sama narušena.

Da do prve cigarete, alkohola, pa i droge vodi samo jedan krivi potez uvjerile su nas majke djece ovisnika o drogama koje su u petak, 7.11.2014. godine održale predavanje za naše učenike i roditelje. Udruženje majki "Nada" predstavilo nam je dokumentarni film "Život u paklu".

Na prezentaciji je prisustvovalo oko 100 učenika podijeljenih u tri grupe, te zainteresovani roditelji za navedeni problem.

Djeca i roditelji su slušala i gledala tužne priče majki kojima je cilj da se nikada nikome ne desi ono što su one preživjele sa njihovom djecom. "Uzmi drogu, droga će uzeti tebe" Učenici i roditelji su mogli postavljati pitanja te dobijati odgovore iz prve ruke, od majki koje su golgotu droge proživjele na svojim plećima. Ono što smo svi prisutni na toj prezentaciji naučili je da droga ne šteti samo onima koji je konzumiraju nego i njihovim bližnjima! Često ponavljana rečenica od strane majki jeste da prvo mi uzimamo drogu, a zatim droga uzme nas za sva vremena.



## **ZAPAMTI "TI BIRAŠ PUT"**

Svi mi smatramo da se loše stvari događaju "tamo" nekima, i vrlo nam je teško prihvatiti činjenicu da je danas nažalost vrlo lahko postati porodica kao "tamo" neka. Stoga, pravovremena informisanost porodice o ovisnosti pruža garant dobre prevencije, jer zabluda i neznanje pogoduju širenju ovisnosti.

Na žalost, kod nas vlada balkanski sindrom, tj. Važnije je problem skriti od okoline nego se istinski potruditi naći rješenje.

To je prva greška koju roditelji čine!!!

Dragi roditelji, navodimo vam neke od znakova upozorenja da se sa vašim djetetom nešto događa:

- Niže ocjene u školi
- Prestanak bavljenja sportom i sličnim aktivnostima
- Pocrvenjele oči
- Pretjerana želja za spavanjem, obamrlost, tromost, neosjetljivost, nemar...

# ZAPAMTI, “TI BIRAŠ PUT!”

- Promjena kruga prijatelja bez objašnjenja
- Neuobičajeno ponašanje
- Nagle promjene raspoloženja
- Minimalni odnosi sa porodicom /provodi dosta vremena u sobi
- Nestanak vrijednih predmeta i novca iz kuće
- Promjene u načinu ishrane...

Sve ovo mogu biti samo pubertetske promjene, ali nije na odmet da se obrati veća pažnja.

Nekoliko najobičnijih savjeta nam može pomoći da dopremo do našeg djeteta i prevaziđemo velike probleme:

- Provodimo što više vremena sa našom djecom
- Razgovarajmo što više
- Slušajmo šta nam dijete ima za reći
- Poslije izlaska dočekajmo naše dijete na vratima te vidimo u kakvom nam stanju dijete dolazi
- Pregledajmo stvari naše djece
- Pomažimo djeci oko školskih obaveza, jer upravo tu se naši odnosi mogu popraviti i produbiti



Edukacija o prevenciji korištenja opojnih sredstava

“Da li je neko mogao pretpostaviti, kada ga je pun radosti i strepnje, vodio na prvi čas u školu, u novom odijelu sa novom torbom đaka prvaka, da će jednoga dana to malo biće uredno začesljano majčinim suzama radosnicama, zavezanih kikirika, nekoliko godina kasnije, ležati na podu nekog javnog WC-a krvave ruke iz koje viri špric. Niko to nije pretpostavio, ali se nažalost desilo mnogima.”

Citat iz knjige “To može biti i vaše dijete” autora dr.Bore Lazića)

**Pedagogica škole, Jahić Mirzeta**

## OGLEDNO-UGLEDNI ČAS ISLAMSKE VJERONAUKA

U četvrtak, 20. novembra, nastavnica islamske vjeronauke, Ahmedina Purković održala je ogledno – ugledni čas u Va razredu. Pored učenika islamske vjeroispovijesti času su prisustvovali i učenici religijske kulture i svojim učešćem i praktično doprinjeli realizacije teme, „Kršćani su ohrabрили i podržali muslimane.“ Jedan od ciljeva nastavnog časa je razvijanje osobina iskrenosti, plemenitosti, dostojanstva i samopoštovanja kod učenika, izgradnja pravilnog odnosa prema svojoj vjeri i pripadnicima drugih vjeroispovijesti, kao i vrednovanje univerzalnih vrijednosti bez obzira na vjersku pripadnost. Na času je ostvarena korelacija sa predmetom historija, geografija i muzička kultura. Učenici 5a su pored svog znanja pokazali i dramske sposobnosti u uvodnom dijelu časa, predstavivši nam lik pravednog kralja Abesinije i dostojanstvene skupine prvih muslimana koji su potražili utočište u njegovoj zemlji.



Ogledno-ugledni čas islamske vjeronauke

## OBILJEŽEN DAN DRŽAVNOSTI BOSNE I HERCEGOVINE

U JU OŠ „Bukinje“ je povodom obilježavanja 25. novembra, Dana državnosti Bosne i Hercegovine, održana priredba za roditelje i učenike škole.

Priredba je obilovala različitim sadržajima te je tako pred više od 100 posjetilaca priredbu otvorio mali hor škole s pjesmom „Reci, Bosno ljubavi“ gdje su učestvovali učenici IIIa razreda. Praćeni velikim aplauzom, učenici Ia su nastupili s recitacijama „Jesen“ i „Uspavanka za ježa“ a učenici IIb razreda su recitovali „Zemlja Bosna“ i „Bosna i Hercegovina“. Nakon njih je uslijedila recitatorska sekcija s recitalom „Domovina“ gdje su se predstavili učenici IIIb razreda. Ritmička sekcija je priredila tačku „Brazil“ u kojoj je publika uživala, a sve prisutne su nasmejali članovi dramske sekcije igrokazom „Bašta sljezove boje“. Posjetiocima su uživali i u muzičkoj izvedbi „Ne dam kamen“ koju su izveli učenici IVa i IVb razreda. Učenice VIIa razreda su kao završnu tačku priredbe izvele recitacije „Domovina“ i „Moja Bosna i Hercegovina“. Svim učesnicima priredbe čestitamo na odličnom nastupu a dragim gostima i svim državljanima Bosne i Hercegovine želimo sretan Dan državnosti!





## MALA ŠKOLA EKOLOGIJE

Dana, 26.11.2014. su u OŠ "Bukinje" održane dvije prezentacije Udruženja gradjana Let's DO IT "Male škole ekologije".

Radionice govore o velikom problemu zagađivanja životne sredine u svijetu i kako se boriti protiv toga, te promovišu Udruženje Let's DO IT, koji najmlađi tim ima upravo u Tuzli.

Iako je radionica bila namjenjena učenicima 7., 8. i 9. Razreda, bilo je i onih mlađih koji su s velikom pažnjom pratili prezentaciju i rado postavljali pitanja, a dva učenika 7. razreda osvojila su vrijedne nagrade jer su bili najpažljiviji slušaoci.

Zahvaljujemo se predavačima, svim učenicima i nastavnicima koji su podržali realizaciju ove veoma korisne prezentacije na kojoj je bilo preko 100 učenika naše škole.

Ekološka sekcija OŠ "Bukinje"



Mala škola ekologije

## OPĆINSKO TAKMIČENJE U MUŠKOJ KOŠARCI

Dana 26.11.2014 u 09:00 sati u OŠ „Centar“ održane su kvalifikacije za općinsko takmičenje u košarci za dječake. Na takmičenju je učestvovala i košarkaška sekcija OŠ „Bukinje“. U prvom kolu košarkaška ekipa OŠ „Bukinje“ sastala se sa OŠ „Miladije“ i izgubila rezultatom 28:15.

Seid Nožinović, prof. tjelesnog i zdravstvenog odgoja



## TERENSKA NASTAVA VIIIa I VIIIb

4. 12. 2014.

Učenici VIIIa i VIIIb su, u pratnji razrednica Suade Suljić i Elvire Šišić, a u okviru časa odjeljene zajednice, danas realizovali terensku nastavu. Pod nazivom "Upoznajmo kulturno-historijske i vjerske znamenitosti zavičaja", posjetili smo Samostan Sveti Petar i Pavao u Tuzli, gdje smo saznali o dolasku Franjevacu u ovo područje, samoj crkvi i samostanu, te pripremama za predstojeće blagdane Svetog Nikolu i Božić. Nakon obilaska Trga slobode, fotografisanja na platou ispred nekadašnje zgrade općine Tuzla, zgrade Barok, čaršijske česme, Sonog trga i Muzeja solarstva, položili smo cvijeće na Kapiju i odali počast žrtvama masakra 25. 5. 1995. godine. Šetnjom kroz gradski park gdje smo se fotografisali pored spomenika Kralju Tvrtku, obišli smo i Korzo te spomenike velikanima slikarstva i književnosti Ismeta Mujezinović i Meše Selimovića, po kojima, danas, nazive nose dvije tuzlanske gimnazije. Posjetili smo i pravoslavnu crkvu u Tuzli, sjedište Zvorničko-tuzlanske eparhije, te Univerzitetsku biblioteku "Derviš Sušić". Ljubazni uposlenici upoznali su nas sa odjeljenjima biblioteke, knjižnom, kulturnom, historijskom i stručnom bibliotečkom građom, koja je na raspolaganju građanstvu ovog područja. Između podne i ikindije namaza, obišli smo Turalibegovu džamiju, Tuzlacima poznatiju kao Poljsku džamiju u Tuzli, u kojoj nam je održano kraće predavanje o Turali-begu, njegovoj zadužbini, te porijeklu turbeta koji se nalazi u neposrednoj blizini, a koje jedino nije nastalo u doba vladavine Osmanlija, nego je napravljeno po nalogu Austro-ugarskog cara. Posjetu smo završili na Slanoj banji, gdje smo obišli spomen-obilježje borcima NOB-a 1941-1945. palim borcima oslobodilačkog rata 1992-1995. godine, te mezarje/groblje nastradaloj tuzlanskoj mladosti na Kapiji. Pauzu za ručak imali smo u restoranu Sezam na Tenisu, gdje smo se ugodno odmorili, na čemu zahvaljujemo ljubaznom osoblju, a zahvalnost za udobnu i sigurnu vožnju, upućujemo osoblju firme Road.



Terenska nastava u okviru časa odjeljene zajednice

## FESTIVAL SUNCA

Danas, 5. 12. 2015. je Centar za razvoj i podršku (CRP) i Mješovita srednja mašinska škola organizovali solarni festival „Sunce na dlanu“ koji je namijenjen učenicima i profesorima osnovnih škola kako bi stekli nova i poširili postojeća znanja iz oblasti energetske efikasnosti i obnovljivih izvora energije. Na festivalu su, pored nastavnice Elvire Šišić, učestvovala i naša tri učenika: Farah Ćatić, Jasmina Zahirović (IXa) i Eduard Šuha (VIIIb).

U prvom dijelu festivala posjetiteljima je održana interesantna video i foto prezentacija o načinima primjene solarne energije nakon čega su posjetili izložbu različitih solarnih sistema za grijanje vode, fotonaponskih sistema za proizvodnju električne energije, solarno vozilo isl. većinom proizvednih u Centru za razvoj i podršku.



Praktični dio festivala

## POSJETA DOMU ZA DJECU BEZ RODITELJSKOG STARANJA

Učenici JUOŠ „Bukinje“ posjetili su 18. 12. 2014. godine Dom za djecu bez roditeljskog staranja. Učenici su sa učiteljicom Morić Zahidom, nastavnicom Marjanom Stevanović i pedagogicom Jahić Mirzatom priredili priredbu gdje su učenici, recitovali, glumili. Učenik II-a Banović Denis recitovao je pjesmicu „Idi pa vidi“, a članovi dramske sekcije izveli su igrokaz „Jazavac pred sudom.“  
Našim prijateljima poklonili smo skromne paketiće za novogodišnje praznike. Vrijeme je brzo prošlo u druženju, sklapanju novih prijateljstava. Uvijek se radujemo ovakvim susretima i nadamo se da će i oni nas posjetiti u proljeće.



Tradicionalno druženje sa šticećnicima Doma za djecu bez roditeljskog staranja u Tuzli

## OGLEDNO-UGLEDNI AS U Ia

U četvrtak, 18. 12. 2014. godine održan je ogledno-ugledni čas u Ia, učiteljice Ćehajić Emine, iz nastavnog predmeta Bosanski, Hrvatski, Srpski jezik i književnost. Nastavna jedinica je bila „Učimo veliko i malo štampano slovo M“. Čas je počeo pričom „Majmun traži prijatelje“, a zatim su učenici imenovali predmete koji sadrže glas „m“, uočavali poziciju glasa „m“ u riječima i to bojama prikazivali, takmičili se u pronalasku predmeta u kutijama čija imena sadrže glas „m“, osvajali medalje, bili modni kreatori, izrađivali krunu, ram za slike i sl. Za svoj trud svi učenici su dobili pohvale. Času su prisustvovali direktorica, pedagogica, kolegice Morić Zahida, Sinanović Paša, Purković Ahmedina i dvije roditeljice.



Veseli kreativni i pametni, najmlađi učenici naše škole



## PRIREDBA ZA RODITELJE NAŠIH PRVAČIĆA

U utorak, 30.12.2014.godine, održana je priredba za roditelje.

Učenici 1a su osmislili i pripremili priredbu u dogovoru sa svojom učiteljicom, Eminom Čehajić. U programu su učestvovali svi učenici iz 1a.

Voditelji programa bili su Brkić Merjema, Alić Alem i Hodžić Edvin. Nakon pozdravnog govora i najave, učenici su se predstavili pjesmicom "Kad si sretan", a za kraj su otpjevali pjesmicu "Đak veseljak". Tokom priredbe smjenjivale su se recitacije, igrokazi, brojalice, učenički sastavi i muzičke igre.

Na kraju priredbe voditelji su se zahvalili prisutnim roditeljima i poželjeli im sretnu Novu 2015. godinu. Priredba je protekla u veoma prijatnoj atmosferi.

Učiteljica: Emina Čehajić



Ponosni na naše najmlađe đake

## DAN DJEČIJE RADOSTI

**31. 12. 2014.**

Danas je izvršena podjela paketića za učenike prvog razreda i djecu mlađeg uzrasta, čiji su roditelji izrazili želju da im djecu u školi svojim dolaskom i paketićem, obraduje Djed Mraz. Roditelji su zajedno sa učiteljicom Eminom Čehajić, prikupili novčana sredstva, kupili paketiće i doveli Djeda Mraza. Djed Mraz je pohvalio djecu, podijelio im paketiće i fotografisao se s njima. Ostali učenici naše škole su, zajedno sa nastavnicima, obilježili Dan dječije radosti, nakon čega smo jedni drugima uputili iskrene čestitke u povodu Nove 2015. i lijep odmor na zimskom raspustu!

